



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

10 հունվարի 2019 թվականի №3Ա
ք.Երևան

**«ՀՐԱԶԴԱՆԻ ԷՆԵՐԳԵՏԻԿ ԿԱԶՄԱԿԵՐՊՈՒԹՅՈՒՆ (ՀՐԱԶԶԷԿ)» ԲԱՑ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆ ԳՈՒՅՔԻ ՄԻ ՄԱՍԸ ՎԱՐՁԱԿԱԼՈՒԹՅԱՆ ԻՐԱՎՈՒՆՔՈՎ
ՏՐԱՄԱԴՐԵԼՈՒՆ ՀԱՄԱԶԱՅՆՈՒԹՅՈՒՆ ՏԱԼՈՒ ՄԱՍԻՆ**

Հաշվի առնելով, որ՝

ա) «Հրազդանի էներգետիկ կազմակերպություն (ՀրազԶԷԿ)» բաց բաժնետիրական ընկերությունը (այսուհետ՝ Ընկերություն) 2018 թվականի նոյեմբերի 6-ի №184 գրությամբ դիմել է Հայաստանի Հանրապետության հանրային ծառայությունները կարգավորող հանձնաժողով (այսուհետ՝ Հանձնաժողով) խնդրելով համաձայնություն տալ Ընկերության 4-րդ էներգաբլոկի հովացման աշտարակի հարակից տարածքը՝ 1,72 հա մակերեսով, և 4-րդ էներգաբլոկի հովացման աշտարակի հարակից տարածքում՝ վարչական շենքը 668 քմ մակերեսով (այսուհետ՝ №1 գույք), «ԷԿՈՍ» փակ բաժնետիրական ընկերությանը վարձակալության իրավունքով տրամադրելուն,

բ) Ընկերությունը 2018 թվականի դեկտեմբերի 5-ի №210 գրությամբ դիմել է Հանձնաժողով՝ խնդրելով համաձայնություն տալ Ընկերության 0,63 հա մակերեսով հողատարածքը, 110/6 ԿՎ լարման, 16000 ԿՎա հզորության 20Տ պահուստային տրանսֆորմատորն՝ իր 110 ԿՎ լարման MKII-110/600 տիպի յուղային անջատիչով, 110 ԿՎ լարման 3 հատ բաժանիչներով և պարափչիչներով (այսուհետ՝ №2 գույք) «ՕԿԱԻԴՕ» սահմանափակ պատասխանատվությամբ ընկերությանը վարձակալության իրավունքով տրամադրելուն,

գ) Հանձնաժողովը, ղեկավարվելով «Էներգետիկայի մասին» օրենքի 27-րդ հոդվածի 3-րդ կետով, 2018 թվականի նոյեմբերի 27-ի №ՄՍ/2.3-13/1320-18 և դեկտեմբերի 6-ի №ՄՍ/2.2-21/1393-18 գրություններով դիմել է Հայաստանի Հանրապետության վարչապետի

աշխատակազմ՝ գործարքի վերաբերյալ կառավարության դիրքորոշումն ստանալու նպատակով,

դ) Հայաստանի Հանրապետության վարչապետի աշխատակազմի ղեկավարի սույն թվականի դեկտեմբերի 27-ի №02//1892-2018 գրությամբ ներկայացվել են Հայաստանի Հանրապետության վարչապետի պաշտոնակատարի սույն թվականի դեկտեմբերի 13-ի №02/24.9/42725-18 հանձնարարականով Հայաստանի Հանրապետության էներգետիկ ենթակառուցվածների և բնական պաշարների, Հայաստանի Հանրապետության տնտեսական զարգացման և ներդրումների նախարարությունների, Հայաստանի Հանրապետության ազգային անվտանգության ծառայության ներկայացրած դիրքորոշումները՝ սույն որոշման նախաբանի «բ» և «գ» կետերում նշված գործարքների մասով առարկություններ չունենալու վերաբերյալ,

ե) Հանձնաժողովի կողմից նշված գործարքներին համաձայնություն տալը, համաձայն «Էներգետիկայի մասին» օրենքի 27-րդ հոդվածի 3-րդ կետի, չի խախտում էներգետիկ համակարգի հուսալիությունը, անվտանգությունը և ներքին շուկայի սպառողների շահերը, չի վնասում ազգային անվտանգությունը և պետական շահերը, իսկ ձեռքբերողի՝ որպես էլեկտրաէներգետիկական համակարգում լիցենզավորված գործունեություն իրականացնող և անհրաժեշտ փորձ ունեցող անձի վերաբերյալ դրույթը նշված գործարքների նկատմամբ կիրառելի չէ, և

հիմք ընդունելով «Էներգետիկայի մասին» օրենքի 27-րդ հոդվածի 2-րդ կետը Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Համաձայնություն տալ Ընկերության №1 գույքը «ԷԿՈՍ» փակ բաժնետիրական ընկերությանը վարձակալության իրավունքով տրամադրելուն:
2. Համաձայնություն տալ Ընկերության №2 գույքը «ՕԿԱԻԴՕ» սահմանափակ պատասխանատվությամբ ընկերությանը վարձակալության իրավունքով տրամադրելուն:
3. Ընկերությանը՝ ընդունել ի գիտություն, որ
 - 1) սույն որոշման 1-ին և 2-րդ կետերով նշված գործարքները կնքելուց հետո անհրաժեշտ է երկշաբաթյա ժամկետում Հանձնաժողով ներկայացնել այդ գործարքներին վերաբերող բոլոր փաստաթղթերի պատճենները.

2) Ընկերությունն իրավասու է սույն որոշումը բողոքարկել Հանձնաժողով կամ Հայաստանի Հանրապետության վարչական դատարան՝ այն ուժի մեջ մտնելու պահից երկամսյա ժամկետում:

4. Սույն որոշումն ուժի մեջ է մտնում Ընկերությանը օրենքով սահմանված կարգով իրազեկելուն հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՂԱԿԱԼ



Մ. ՍՈՂՈՍՈՆՅԱՆ

ք. Երևան
10 հունվարի 2019թ.